

Najis merpati boleh bawa penyakit

SHAH ALAM - Burung liar yang membuat sarang dalam bangunan termasuk merpati boleh membawa penyakit berjangkit kepada manusia menerusi timbunan najis lama yang terbiar kering.

Doktor Perubatan Veterinar dari Universiti Putra Malaysia (UPM), **Dr Azhar Kasim** berkata, najis merpati yang kering akan ditumbuhi kulat serta menghasilkan debu yang akan berapung jika terdapat pergerakan udara.

Beliau berkata, debu itu kemudiannya akan masuk ke dalam sistem pernafasan dan seterusnya boleh menjangkiti manusia.

"Kebiasaannya mereka yang mempunyai daya imuniti rendah serta mempunyai penyakit asma atau alergi lebih berisiko untuk dijangkiti.

"Kebanyakan kes berkaitan najis merpati ini berlaku di luar negara dan melibatkan jangkitan pada paru-paru serta sistem saraf manusia. Tapi di Malaysia setakat ini, belum ada kes direkodkan," katanya ketika dihubungi *Sinar Harian* se-



DR AZHAR


malam.

Namun begitu katanya, perkara itu tidak boleh diambil ringan kerana pada masa kini sesiapa sahaja mudah terdedah kepada pelbagai penyakit.

"Apa yang penting, sebarang penyakit boleh dielakkan apabila kita menjaga kebersihan.

"Kita tak boleh salahkan burung, sebab bukan salah mereka tapi salah manusia kerana tidak jaga kebersihan," katanya.

Sementara itu, Doktor Kesihatan Pekerjaan, KPJ Kajang Specialist Hospital, **Dr Fitter Baharom** memberitahu, kulat yang terhasil



DR FITTER

daripada najis merpati yang kering dikenali sebagai histoplasmosis dan cryptococcosis boleh menjangkiti sistem pernafasan (paru-paru) dan boleh merebak ke sistem-sistem lain.

"Histoplasmosis diketahui boleh mengakibatkan maut walaupun jarang sekali berlaku.

"Simptom bagi jangkitan ini biasanya adalah batuk, demam atau selesema. Jarang sekali sesak nafas kecuali jangkitan yang telah lama. Bagi kes di sekolah di Johor itu, ia berlaku agak akut (mendadak), yang mana susah untuk dikaitkan dengan jangkitan penyakit," katanya.